

საკრედიტო ხელშეკრულება

ხელშეკრულების მნიშვნელოვანი პირობები

კრედიტის საპროცენტო განაკვეთი:

- ✓ კრედიტის საპროცენტო განაკვეთი: წლიური --- %
- ✓ კრედიტის ეფექტური საპროცენტო განაკვეთი: წლიური --- %
- ✓ ლარის შესაძლო 15%-იანი გაუფასურების შემთხვევაში გაანგარიშებული კრედიტის ეფექტური საპროცენტო განაკვეთი: --- %

კრედიტის ეფექტურ საპროცენტო განაკვეთს წარმოადგენს კრედიტის ისეთი საპროცენტო განაკვეთი, რომლის გაანგარიშებაში გაითვალისწინება ყველა აუცილებელი ფინანსური ხარჯი, მომხმარებლის მიერ ამ ხარჯების გაწევის პერიოდის გათვალისწინებით.

უცხოური ვალუტით აღებული სესხი მომხმარებელს მნიშვნელოვანი რისკის წინაშე აყენებს, ვალუტის კურსის ცვლილებამ შესაძლოა ლარით გამოხატული შენატანები მნიშვნელოვნად გაზარდოს

სავალუტო რისკს წარმოადგენს უცხოური ვალუტის გაცვლითი კურსის არახელსაყრელი ცვლილებით გამოწვეული შესაძლო დანაკარგის რისკი. როგორც წესი, სავალუტო რისკს ადგილი აქვს მაშინ, როდესაც კლიენტის მიერ აღებული ვალი არის ერთ ვალუტაში, ხოლო მისი დაფარვის წყარო – სხვა ვალუტაში.

ფინანსური ხარჯები:

- ✓ ყოველთვიური შენატანები (ძირითადი თანხა + პროცენტი): ---
- ✓ კრედიტის გაცემის ერთჯერადი საკომისიო თანხა: ---
- ✓ ანგარიშის მომსახურების საკომისიო: ---
- ✓ ავტომობილის დაზღვევის თანხა: ---
- ✓ მესამე პირის წინაშე სამოქალაქო პასუხისმგებლობის დაზღვევის თანხა: ---
- ✓ მძღოლისა და მგზავრების უბედური შემთხვევისგან დაზღვევის თანხა: ---
- ✓ უზრუნველყოფის საშუალებების შესაბამის რეესტრში რეგისტრაციის/სამართლებრივი მდგომარეობის შესახებ ცნობების მიღებასთან დაკავშირებული თანხა: ---
- ✓ ვალუტის კონვერტაციის საკომისიო : ---

სხვა მოსალოდნელი ხარჯი:

- ✓ ვადაგადაცილების პირგასამტეხლო:
- ✓ კრედიტის ვადამდე დაფარვის საკომისიო: ა) კრედიტის სხვა ბანკის მიერ რეფინანსირების შემთხვევაში წინსწრებით დაფარული თანხის --- % ბ) სხვა შემთხვევაში კრედიტის ვადამდე დაფარვის საკომისიო: კრედიტის ყოველთვიური შენატანის სამმაგ ოდენობამდე/ჩათვლით თანხით თვეში ერთჯერადად კრედიტის წინასწარ დაფარვის შემთხვევაში წინსწრებით დაფარული თანხის --- %, ყველა სხვა შემთხვევაში - წინსწრებით დაფარული სრული თანხის --- %.

დაფინანსებული პროდუქციის/მომსახურების ღირებულება:

- ✓ პროდუქციის/მომსახურების ფასი: ---
- ✓ ნაღდი ანგარიშსწორების ფასი: ---
- ✓ შესაძენი ნივთის საბაზრო ღირებულება: ---

დამატებითი სახელშეკრულებო ინფორმაცია:

- ✓ კრედიტის გაცემის თარიღი: ---
- ✓ კრედიტის დაფარვის თარიღი: ---
- ✓ კრედიტის ვადა: --- დღე
- ✓ კრედიტის თანხა: ---
- ✓ კრედიტის დაფარვის პერიოდულობა [თანდართული გრაფიკის შესაბამისად];
- ✓ საპროცენტო განაკვეთის ზრდა: 1) მსესხებლის მიერ ხელშეკრულების ნებისმიერი პირობის დარღვევის შემთხვევაში – მაქსიმუმ წლიური --- %-ით; საპროცენტო განაკვეთის გაზრდამდე ერთი თვით ადრე აღნიშნულის შესახებ ბანკი წერილობით, ელექტრონული ფოსტით ან ელექტრონული კომუნიკაციის სხვა საშუალებით ატყობინებს მსესხებელს.

ბანკის წინაშე არსებული პრეტენზიები მსესხებელმა შეიძლება წარადგინოს წერილობით ან ელექტრონული ფოსტის მეშვეობით შემდეგ მისამართზე: info@vtb.com.ge

გაეცანით მომხმარებლისათვის სასარგებლო ინფორმაციას საქართველოს ეროვნული ბანკის ვებ გვერდსა www.nbg.gov.ge/cp და ცხელ ხაზზე 8 (32) 2406 406

შენიშვნა: ზემოაღნიშნული გათვლები შესრულებულია იმ დაშვებით რომ კრედიტის თანხა გაიცემა ერთიანად

საკრედიტო ხელშეკრულება N

ერთი მხრივ სს “ვითიბი ბანკი ჯორჯია” (შემდგომ “ბანკი”), წარმოდგენილი გიორგი გაბელიას სახით, მოქმედი მინდობილობის საფუძველზე და (შემდგომ “მსესხებელი”), მეორე მხრივ, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1 წინამდებარე ხელშეკრულება იდება მხარეებს შორის წ დადებული საკრედიტო მომსახურების შესახებ გენერალური ხელშეკრულების (შემდგომ გენერალური ხელშეკრულება) საფუძველზე და მასზე სრულად ვრცელდება გენერალური ხელშეკრულების ყველა პირობა, ხოლო წინამდებარე ხელშეკრულებასა და გენერალურ ხელშეკრულებას შორის წინააღმდეგობის არსებობის შემთხვევაში უპირატესობა ენიჭება ხელშეკრულებას.

1.2 გენერალური ხელშეკრულებით/ხელშეკრულებით განსაზღვრული პირობების შესაბამისად, ბანკი გასცემს სასყიდლიან კრედიტს სესხის ფორმით, ხოლო მსესხებელი იღებს ვალდებულებას, დააბრუნოს მიღებული კრედიტი, გადაიხადოს დარიცხული საპროცენტო სარგებელი/საკომისიო/პირგასამტეხლო და სრულად შეასრულოს გენერალური ხელშეკრულებით/ხელშეკრულებით გათვალისწინებული ვალდებულებები.

1.3 წინამდებარე ხელშეკრულების თავსართი (ხელშეკრულების მნიშვნელოვანი პირობები) წარმოადგენს ხელშეკრულების განუყოფელ ნაწილს.

მუხლი 2. დაკრედიტების ძირითადი პირობები

2.1 კრედიტის მიზანი, ოდენობა და ათვისების პერიოდულობა: ---

ა) კრედიტის მიზანი: ---

ბ) კრედიტის ოდენობა: ---

გ) კრედიტის ვალუტა: ---

დ) კრედიტი ათვისებულ უნდა იქნას: ---

ე) კრედიტის გაცემის თარიღი: ---

ვ) კრედიტის დაფარვის თარიღი: ---

ზ) კრედიტის ვადა დღე: ---

2.2 საპროცენტო განაკვეთები:

ა) კრედიტის საპროცენტო განაკვეთი: %;

ბ) კრედიტის ეფექტური საპროცენტო განაკვეთი: %

გ) საპროცენტო განაკვეთის ზრდა: 1) მსესხებლის მიერ ხელშეკრულების ნებისმიერი პირობის დარღვევის შემთხვევაში - მაქსიმუმ წლიური 4 %-ით;

დ) ლარის შესაძლო 15%-იანი გაუფასურების შემთხვევაში გაანგარიშებული კრედიტის ეფექტური საპროცენტო განაკვეთი:

2.3 ფინანსური ხარჯი:

ა) ყოველთვიური შენატანები (ძირითადი თანხა + პროცენტი): აშშ დოლარი

ბ) კრედიტის გაცემის ერთჯერადი საკომისიო თანხა:

გ) ანგარიშის მომსახურების საკომისიო:

დ) უზრუნველყოფის საშუალებების შესაბამის რეესტრში რეგისტრაციის/სამართლებრივი მდგომარეობის შესახებ ცნობების მიღებასთან დაკავშირებული თანხა:

ვ) ავტომატური დაზღვევის თანხა: აშშ დოლარი

ზ) მესამე პირის წინაშე სამოქალაქო პასუხისმგებლობის დაზღვევის თანხა:

თ) მძღოლისა და მგზავრების უბედური შემთხვევისგან დაზღვევის თანხა:

ი) ვალუტის კონვერტაციის საკომისიო : აშშ დოლარი

2.4 სხვა მოსალოდნელი ხარჯი:

ა) კრედიტის ვადამდე დაფარვის საკომისიო: ა) კრედიტის სხვა ბანკის მიერ რეფინანსირების შემთხვევაში წინსწრებით დაფარული თანხის --- % ბ) სხვა შემთხვევაში კრედიტის ვადამდე დაფარვის საკომისიო: კრედიტის ყოველთვიური შენატანის სამმაგ ოდენობამდე/ჩათვლით თანხით თვეში ერთჯერადად კრედიტის წინასწარ დაფარვის შემთხვევაში წინსწრებით დაფარული თანხის --- %, ყველა სხვა შემთხვევაში - წინსწრებით დაფარული სრული თანხის --- %.

ბ) ბანკი უფლებამოსილია დააკისროს მსესხებელს ვადაგადაცილების პირგასამტეხლო: ერთჯერადად --- აშშ დოლარი, დამატებით ყოველ ვადაგადაცილებულ დღეზე ვადაგადაცილებული თანხის --- %.

2.5 კრედიტის დაფარვა: (თანდართული გრაფიკის შესაბამისად)

2.6 დაფინანსებული პროდუქციის/მომსახურების ღირებულება: ---

2.6.1 პროდუქციის/მომსახურების ფასი: ---

2.6.2 ნაღდი ანგარიშსწორების ფასი:

2.6.3 შესაძენი ნივთის საბაზრო ღირებულება

2.7 საბანკო კრედიტი უზრუნველყოფილია შესაბამისი უზრუნველყოფის/თავდებობის ხელშეკრულებით.

2.8 განსაკუთრებული პირობები:

2.8.1 მხარეები თანხმდებიან, რომ წინამდებარე ხელშეკრულება სამართლებრივ კავშირშია სესხის ხელშეკრულებასთან, რომლითაც ბანკის მიერ ხდება მსესხებლის მიერ გადასახდელი სადაზღვევო პრემიის დაფინანსება (შემგომ „სადაზღვევო სესხი“), კერძოდ, თუ მსესხებლის მიერ ნაკისრი ვალდებულებების დარღვევის საფუძველზე ბანკი შეწყვეტს სადაზღვევო სესხის ხელშეკრულებას, შეწყვეტილად ჩაითვლება წინამდებარე ხელშეკრულებაც და ბანკს წარმოეშება ის უფლებები რაც თან სდევს ხელშეკრულების შეწყვეტას.

მუხლი 3. დამატებითი პირობები

3.1 მსესხებლის მიერ საკრედიტო ვალდებულებების შესასრულებლად შემოტანილი ან ჩარიცხული თანხებიდან პირველ რიგში იფარება დაზღვევის პრემია, შემდგომ სესხიდან გამომდინარე: საკომისიო გადასახდელები, პირგასამტეხლო (ასეთის არსებობის შემთხვევაში), შემდეგ დარიცხული საპროცენტო სარგებელი და ბოლოს – კრედიტის ძირითადი თანხა, აღნიშნული რიგითობა შეიძლება შეიცვალოს ბანკის შეხედულებისამებრ.

3.2 საპროცენტო განაკვეთის სახით დარიცხული თანხის გაანგარიშება ხდება კრედიტით სარგებლობის ფაქტიური დღეების შესაბამისად 365 დღისგან შემდგარ წელიწადზე გაანგარიშებით;

3.3 თუ დაგირავებული/იპოთეკით დატვირთული ქონების რეალიზაციიდან ამონაგები თანხა საკმარისი არ იქნება მსესხებლისადმი ბანკის მოთხოვნის დასაფარავად ან/და დაგირავებული/იპოთეკით დატვირთული ქონების ღირებულება მთლიანად არ დაფარავს ამ მოთხოვნის ოდენობას, ბანკის მოთხოვნა დაკმაყოფილებულად არ ითვლება და ბანკს უფლება აქვს მოთხოვნა დაიკმაყოფილოს მსესხებლის ნებისმიერი ქონებით.

3.4 მსესხებელმა უნდა უზრუნველყოს უზრუნველყოფის საგნის სათანადო მდგომარეობაში შენარჩუნება. თუ უზრუნველყოფის საგანი განადგურდა, დაზიანდა ან არსებობს სხვა რაიმე გარემოება, რომელიც საფრთხეს უქმნის ბანკის შესაძლებლობას საჭიროების შემთხვევაში სრული მოცულობით დაიკმაყოფილოს თავისი მოთხოვნა უზრუნველყოფის ხარჯზე, ბანკის მოთხოვნით მსესხებელი ვალდებულია დაუყოვნებლივ შესთავაზოს ბანკს ამ უკანასკნელისთვის მისაღები სხვა უზრუნველყოფა.

3.5 ხელშეკრულების პირობების დარღვევის შემთხვევაში ბანკი უფლებამოსილია გაზარდოს საპროცენტო განაკვეთი 2.2. პუნქტის “გ” ქვეპუნქტის შესაბამისად. საპროცენტო განაკვეთის გაზრდის შესახებ ბანკი ერთი თვით ადრე ატყობინებს მსესხებელს წერილობით, ელექტრონული ფოსტით ან ელექტრონული კომუნიკაციის სხვა საშუალებით. ამასთან, საპროცენტო განაკვეთის ზრდის ნაცვლად ბანკს შეუძლია მიიღოს გადაწყვეტილება ხელშეკრულების შეწყვეტის შესახებ, მე-5 მუხლის შესაბამისად.

3.6 კრედიტის მთლიანად ან ნაწილობრივ ვადამდე დაფარვისათვის მსესხებელი ვალდებულია წინასწარ წერილობით მიმართოს ბანკს.

3.7 გამომდინარე იქედან, რომ მსესხებელსა და სადაზღვევო კომპანიას შორის გაფორმებული შესაბამისი სადაზღვევო ხელშეკრულება შეიცავს გარკვეულ დათქმებს და წინაპირობებს (სადაზღვევო თანხის გადახდის საშუალებით პერიოდი, სადაზღვევო პრემიის კლების შესაძლებლობა და ა.შ) და იმის გათვალისწინებით, რომ სადაზღვევო პრემიის მიღების ადმინისტრირებას ახორციელებს ბანკი, ეს უკანასკნელი უფლებამოსილია ცალმხრივად შეცვალოს წინამდებარე ხელშეკრულებაზე თანდართული გრაფიკი სადაზღვევო კომპანიისაგან მიღებული ინფორმაციის საფუძველზე.

3.8 წინამდებარე ხელშეკრულებით გათვალისწინებული ნებისმიერი საფუძველით ბანკის მიერ შეცვლილი გრაფიკი მსესხებელს ეგზავნება ხელშეკრულებაში მითითებული ელექტრონული ფოსტის მისამართზე და ასეთი გრაფიკის ნამდვილობისათვის არ არის საჭირო სხვა რაიმე დამატებითი სამართლებრივი ქმედების განხორციელება და მსესხებელს წარმოეშობა ვალდებულება ფულადი ვალდებულებები შეასრულოს აღნიშნული გრაფიკის შესაბამისად.

3.9 მსესხებელი თანახმაა მასზედ, რომ კრედიტის ნაწილის წინასწრებით დაფარვის შემთხვევაში, ბანკი ცალმხრივად შეცვლის კრედიტის დაფარვის გრაფიკს და მსესხებელი ვალდებული იქნება კრედიტი დაფაროს ამ ახალი გრაფიკის მიხედვით.

3.10 ბანკს ენიჭება უფლებამოსილება, რომ კლიენტის მიერ მითითებულ ტელეფონის ნომერ(ებ)ზე, როგორც ხელშეკრულების მოქმედების პერიოდში, ისე შემდგომ, გააგზავნოს ბანკის სარეკლამო/საინფორმაციო შეტყობინებები ყოველგვარი შინაარსობრივი შეზღუდვის გარეშე, შეტყობინება შეიძლება გამოგზავნილი იქნას როგორც ბანკის, ისე ბანკის მიერ შერჩეული მომსახურე კომპანიის მიერ

მუხლი 4. მხარეთა უფლება-მოვალეობანი და პასუხისმგებლობები

4.1 მხარეები ვალდებული არიან სათანადოდ შეასრულონ ხელშეკრულებით ნაკისრი ვალდებულებები. შესაბამისად, თითოეულ მხარეს უფლება აქვს მოსთხოვოს მეორე მხარეს ხელშეკრულებიდან და კანონმდებლობიდან გამომდინარე ვალდებულებათა ჯეროვანი შესრულება.

4.2 მსესხებელი ვალდებულია დროულად და სრულად დაფაროს საბანკო კრედიტი და მასზე დარიცხული პროცენტი, ასევე პირგასამტეხლო (არსებობის შემთხვევაში), გადაიხადოს საკომისიო გადასახდელები.

4.3 ბანკის მოთხოვნის შემთხვევაში, მსესხებელი ვალდებულია დააზღვიოს დაგირავებული (იპოთეკით დატვირთული) ქონება. დაზღვევა უნდა განხორციელდეს ბანკისათვის მისაღებ სადაზღვევო კომპანიაში, ბანკისათვის მისაღები სადაზღვევო პირობებით.

4.4 ხელშეკრულების მოქმედების პერიოდში ბანკი უფლებამოსილია აკონტროლოს კრედიტის მიზნობრიობა და უზრუნველყოფაში არსებული ობიექტების მდგომარეობა. მსესხებელი ვალდებულია ბანკის მოთხოვნის საფუძველზე, ბანკის მიერ დადგენილ ვადებში (მაგრამ არანაკლებ 6 თვეში ერთხელ) და ბანკის მიერ დადგენილი ფორმით, წარუდგინოს ბანკს

ამონაწერები ყველა საბანკო ანგარიშებიდან, რომელიც გახსნილი აქვს რეზიდენტ თუ არარეზიდენტ ბანკებში და სხვა ინფორმაცია ბანკის მოთხოვნით.

4.5 მსესხებელი ვალდებულია ბანკისათვის შექმნას კრედიტის გამოყენების კონტროლისა და ამ ხელშეკრულების შესრულებასთან დაკავშირებული ნებისმიერი ინფორმაციის მოპოვების პირობები, უზრუნველყოფის საგნის დათვალიერების ჩათვლით.

4.6 მსესხებელი ვალდებულია წინასწარ აცნობოს ბანკს რეგისტრირებული ან/და ფაქტობრივი მისამართის შეცვლის და იქ გადასვლის თარიღის შესახებ, ასევე ფინანსურ და ქონებრივ მდგომარეობაში მოსალოდნელი არსებითი ცვლილებების, და იმ გარემოებათა შესახებ, რომლებმაც შეიძლება განაპირობონ ასეთი ცვლილებები.

4.7 მსესხებელი ვალდებულია წინასწარ აცნობოს ბანკს ყველა ისეთი გარემოების შესახებ, რამაც შეიძლება ხელი შეუშალოს ვალდებულებების დროულად და სრულად შესრულებას მსესხებლის მიერ.

4.8 იმ შემთხვევაში თუ ბანკისთვის ცნობილი გახდა ინფორმაცია, რომელიც შეეხება მსესხებლის საფინანსო მდგომარეობის ისეთ გაუარესებას, რაც საფრთხეს უქმნის (ან შეიძლება შეუქმნას) საკრედიტო ვალდებულებების ჯეროვან შესრულებას, მსესხებელი ვალდებულია ბანკის წერილობითი შეტყობინების მიღებიდან 3 კალენდარული დღის განმავლობაში წარუდგინოს მას ამ გარემოებათა გამაბათილებელი ინფორმაცია და დოკუმენტები.

4.9 მსესხებელი თანახმაა და უფლებამოსილებას ანიჭებს ბანკს, კრედიტის გადახდის მორიგი თარიღის დადგომისას, ბანკმა მოახდინოს კრედიტისა და მასზე დარიცხული პროცენტების და იმ დროისათვის ხელშეკრულებით გათვალისწინებული ნებისმიერი სხვა გადასახდელებისა და პირგასამტეხლოს დაფარვა მსესხებლის მიმდინარე ანგარიშზე ან/და სხვა მის ანგარიშზე არსებული თანხით. ბანკი უფლებამოსილია კრედიტის ძირითადი თანხა, მასზე დარიცხული პროცენტები და პირგასამტეხლო (თუ ასეთი არსებობს) უაქცეპტო წესით ჩამოწეროს მსესხებლის ნებისმიერი ანგარიშიდან (მათ შორის კრედიტის თანხისაგან განსხვავებულ ვალუტაში არსებული ანგარიშიდან). ამასთანავე, თუ უაქცეპტო წესით ჩამოსაწერი თანხა განსხვავდება კრედიტით გაცემული თანხის ვალუტისაგან, ბანკი უფლებამოსილია მსესხებლის ხარჯზე მოახდინოს ერთ სავალუტო ერთეულიდან მეორეში თანხის კონვერტაცია ბანკის კომერციული კურსის შესაბამისად.

4.10 მსესხებელი უფლებამოსილებას ანიჭებს ბანკს მსესხებელთან და წინამდებარე ხელშეკრულებით ნაკისრ ვალდებულებებთან დაკავშირებული ნებისმიერი ინფორმაცია (პოზიტიური ან/და ნეგატიური, ასევე პერსონალური მონაცემები) გადასცეს სს “კრედიტინფო საქართველოს” (საიდენტიფიკაციო კოდი 204470740) ან/და მსგავსი ფუნქციის მქონე ნებისმიერ დაწესებულებას მონაცემთა ბაზაში შესატანად, რის საფუძველზეც ეს ინფორმაცია გახდება ხელმისაწვდომი მესამე პირისათვის. აგრეთვე, მსესხებელი უფლებამოსილებას ანიჭებს ბანკს მსესხებელთან და წინამდებარე ხელშეკრულებით ნაკისრ ვალდებულებებთან დაკავშირებული ინფორმაცია გამოიყენოს ვი თი ბი ჯგუფის ჯგუფური ანგარიშების შედგენის მიზნებისათვის;

4.11 წინამდებარე ხელშეკრულებით ნაკისრი ვალდებულებ(ებ)ის დარღვევის შემთხვევაში, დავალიანების მსესხებლისგან ამოღების მიზნებისათვის, მსესხებელი უფლებამოსილებას ანიჭებს ბანკს მსესხებელთან და წინამდებარე ხელშეკრულებით ნაკისრ ვალდებულებებთან დაკავშირებული ინფორმაცია გადასცეს მესამე პირებს;

4.12 ბანკი უფლებამოსილია გადასცეს მსესხებელთან და წინამდებარე ხელშეკრულებით ნაკისრ ვალდებულებებთან დაკავშირებული ინფორმაცია მესამე პირს ბანკის მიერ მსესხებლის მიმართ გენერალური ხელშეკრულების/კონკრეტული ხელშეკრულების საფუძველზე არსებული მოთხოვნის დათმობის მიზნით.

4.13 ბანკი უფლებამოსილია მსესხებელთან დაკავშირებული ნებისმიერი ინფორმაცია/დოკუმენტი მიაწოდოს გარე აუდიტორს, რომელიც ბანკს უწევს პროფესიულ მომსახურებას.

4.14 ხელშეკრულებაზე ხელმოწერით მსესხებელი პირი თანხმობას ვაცხადებ, რომ სს „ვითიბი ბანკი ჯორჯია“ კანონმდებლობით დადგენილი წესით (1) ჩემი იდენტიფიკაციის/ვერიფიკაციის (2) საბანკო მომსახურების მიღების (3) საინფორმაციო ხასიათის შეტყობინებების გამოგზავნის (4) განხორციელებული საბანკო ოპერაციების შესახებ ინფორმაციის მიწოდების და (5) პირდაპირი მარკეტინგის მიზნით და ამ მიზნების განსახორციელებლად საჭირო მოცულობით მიიღოს სსიპ - სახელმწიფო სერვისების განვითარების სააგენტოს მონაცემთა ელექტრონული ბაზიდან, ბანკისთვის აუცილებელი, ჩემი პერსონალური მონაცემები”.

4.15 მსესხებელი თანახმაა, რომ ბანკმა, მსესხებლისთვის მომსახურების გაწევის ან/და საბანკო პროდუქტების შეთავაზების მიზნით, როგორც გენერალური ხელშეკრულების/კონკრეტული ხელშეკრულების მოქმედების პერიოდში, ისე შემდგომ, მსესხებლის დამატებითი თანხმობის გარეშე, ნებისმიერ საკრედიტო-საინფორმაციო მონაცემთა ბაზიდან ან/და სხვა წყაროდან, მათ შორის სს “კრედიტინფო საქართველოს” (საიდენტიფიკაციო კოდი 204470740) მონაცემთა ბაზიდან მოიძიოს, მიიღოს, გამოიყენოს ან სხვაგვარად დაამუშაოს მსესხებლის შესახებ არსებული ნებისმიერი ინფორმაცია (მათ შორის პერსონალური მონაცემები და საკრედიტო ისტორიის შესახებ მონაცემები).

4.16 მსესხებელი ადასტურებს, რომ მას არა აქვს ურთიერთობა ფიქტიურ ბანკთან (“შელ ბანკი”).

4.17 წინამდებარე ხელშეკრულების ხელმოწერის შემდეგ ბანკს უფლება აქვს უარი განაცხადოს კრედიტის გაცემაზე შემდეგ შემთხვევებში: (i) ბანკის სასარგებლოდ არ განხორციელდა ბანკისათვის მისაღები უზრუნველყოფის საშუალების სამართლებრივი დატვირთვა (ii) თუ უზრუნველყოფის საგანი, მისი ბანკის სასარგებლოდ სამართლებრივად დატვირთვამდე, აღმოჩნდა უფლებრივად ნაკლიანი (iii) მსესხებლის ან დამგირავებლის ქონებაზე გავრცელდა საგადასახო გირავნობა/იპოთეკა ან საჯარო სამართლებრივი შეზღუდვა (iv) არ განხორციელდა უზრუნველყოფის საშუალების ბანკის სასარგებლოდ და ბანკისათვის მისაღები პირობებით/სადაზღვევო კომპანიაში დაზღვევა.

4.18 ბანკის წინაშე არსებული პრეტენზიები მსესხებელმა შეიძლება წარადგინოს ბანკში არსებულ ში წერილობით ან ელექტრონული ფოსტის მეშვეობით შემდეგ მისამართზე: პრეტენზიაზე პასუხი გაცემული იქნება იგივე ფორმით პრეტენზიის მიღებიდან 10 საბანკო დღის ვადაში. პრეტენზიების განხილვის პროცედურა შეგიძლიათ იხილოთ ბანკის ოფიციალურ ვებ გვერდზე

მუხლი 5. ხელშეკრულების შეწყვეტის საფუძველები

5.1 ბანკი უფლებამოსილია ცალმხრივად შეწყვიტოს ხელშეკრულება და მოსთხოვოს მსესხებელს კრედიტის ძირითადი თანხისა და მასზე დარიცხული საპროცენტო სარგებლის, პირგასამტეხლოს (ასეთის არსებობის შემთხვევაში) გადახდა, აგრეთვე ხელშეკრულების შეუსრულებლობით ან არაჯეროვნად შესრულებით მიყენებული ზიანის ანაზღაურება, ხოლო მსესხებელი ვალდებულია დაუყოვნებლივ შეასრულოს ეს მოთხოვნები, იმ შემთხვევაში თუ:

5.1.1 კრედიტის ან/და საპროცენტო სარგებლის ეტაპობრივად დაფარვის შემთხვევაში მსესხებელი გადააცილებს დაფარვის სულ მცირე ზედიზედ ორ ვადას და ბანკის შეტყობინების გაგზავნიდან ორი კვირის ვადაში სრულად არ იქნება დაფარული ვადადადაცილებული დავალიანება;

5.1.2 თუ ბანკი მიიჩნევს, რომ გაუარესდა ან უახლოეს მომავალში მოსალოდნელია გაუარესდეს მსესხებლის ფინანსური ან/და ქონებრივი მდგომარეობა, რითაც, ბანკის აზრით, საფრთხე შეიძლება შეექმნას საკრედიტო ვალდებულებების ჯეროვან შესრულებას;

5.1.3 ბანკის წერილობითი თანხმობის გარეშე მსესხებლის მიერ დარღვეული იქნება კრედიტის მიზნობრიობა;

5.1.4 თუ საფრთხე შეექმნა ან შეიძლება შეექმნას უზრუნველყოფის საგანს და მსესხებელი ვერ შესთავაზებს ბანკს სხვა უზრუნველყოფას 3.5. პუნქტის შესაბამისად, ან/და თუ თვითონ ან შესაბამისი მესამე პირები არ/ვერ შეასრულებენ უზრუნველყოფის ხელშეკრულებით გათვალისწინებულ ვალდებულებებს;

5.1.5 მსესხებელი დაარღვევს ხელშეკრულებით ან/და კანონმდებლობით გათვალისწინებულ სხვა ვალდებულებას.

5.2 ბანკი აგრეთვე უფლებამოსილია ცალმხრივად შეწყვიტოს ხელშეკრულება ხელშეკრულებით ან კანონმდებლობით გათვალისწინებულ სხვა შემთხვევებში.

5.3 მსესხებელს წერილობით ეგზავნება კრედიტის და მასზე დარიცხული პროცენტის ვადამდე დაბრუნების, აგრეთვე პირგასამტეხლოს გადახდის (ასეთის არსებობის შემთხვევაში) მოთხოვნა, რომელიც მისი მიღების შემდეგ დაუყოვნებლივ (ან ბანკის მიერ განსაზღვრულ ვადაში) მსესხებლის მიერ უნდა შესრულდეს მთელი მოცულობით.

5.4 ბანკის მხრიდან ხელშეკრულების ცალმხრივად შეწყვეტის შემთხვევაში მსესხებლის მიერ ხელშეკრულების შეწყვეტამდე ნაკისრი ვალდებულებები რჩება ძალაში.

მუხლი 6. სხვა პირობები

6.1 ხელშეკრულება ძალაში შედის მხარეთა მიერ ხელმოწერის მომენტიდან და მოქმედებს მხარეთა მიერ ვალდებულებათა სრულ შესრულებამდე.

6.2 ხელშეკრულებაში ნებისმიერი ცვლილებებისა და დამატების შეტანა ხორციელდება წერილობითი ფორმით და ისინი განიხილებიან, როგორც ხელშეკრულებების განუყოფელი ნაწილები, გარდა წინამდებარე ხელშეკრულებაზე თანდართულ გრაფიკში განხორციელებული ცვლილებებისა.

6.3 ხელშეკრულების ის პუნქტები, რომლებიც არ არის შევსებული ანუ მონაცემის მაგივრად მითითებულია ნიშანი “ტირე”, არ მოქმედებს მსესხებელთან მიმართებაში.

6.4 ხელშეკრულება რეგულირდება საქართველოს კანონმდებლობით.

6.5 „ნებისმიერი დავა გამომდინარე ამ ხელშეკრულებიდან და მასთან დაკავშირებული აქცესორული ხელშეკრულებებიდან, დაკავშირებული მათ გაუქმებასთან, შეწყვეტასთან, ბათილობასთან, ხელშეკრულებიდან გასვლასთან და მისგან გამომდინარე ნებისმიერ შედეგთან (მათ შორის უზრუნველყოფის ღონისძიებათა გამოყენებასთან), ასევე წინამდებარე პუნქტით გათვალისწინებული საარბიტრაჟო დათქმის ნამდვილობასა და არსებობასთან დაკავშირებული საკითხები განსახილველად და საბოლოო გადაწყვეტილების მისაღებად გადაეცემა შპს „საქართველოს საარბიტრაჟო პალატას“ (საიდენტიფიკაციო N205267389), რომლის იურისდიქციას მხარეები აღიარებენ ანულირების გარეშე. აღნიშნული არბიტრაჟი საქმეს განიხილავს თავისი დებულებით დადგენილი წესით. საქმეს, მისი სირთულიდან გამომდინარე, განიხილავს არბიტრაჟი ერთი ან სამი არბიტრის შემადგენლობით. არბიტრებს ნიშნავს და მათ რაოდენობას განსაზღვრავს არბიტრაჟი. არბიტრაჟის მიერ მიღებული გადაწყვეტილება სასარჩეო მოთხოვნის უზრუნველყოფის შესახებ ექვემდებარება აღსრულებას არბიტრაჟის მიერ გაცემული სააღსრულებო ფურცლის საფუძველზე და არ საჭიროებს სასამართლოს მიერ ცნობასა და აღსრულებას.

6.6 მხარეები დამატებით იღებენ ვალდებულებას მისამართის ან/და ფაქტობრივი ადგილსამყოფელის შეცვლის შემთხვევაში აცნობონ იგი არბიტრაჟს, წინააღმდეგ შემთხვევაში არბიტრაჟის მიერ კორესპოდენცია გაგზავნილი იქნება წინამდებარე ხელშეკრულებით გათვალისწინებული მისამართის მიხედვით და კორესპოდენცია (მათ შორის გზავნილი, გარკვეულ საარბიტრაჟო მოქმედებათა შესახებ შეტყობინება, განკარგულება, გადაწყვეტილება და ა.შ.) ჩაითვლება ჩაბარებულად (შესაბამისი თანმდევი სამართლებრივი შედეგებით).

6.7 ხელშეკრულებით ნაკისრი ვალდებულებები გადადის მხარეთა უფლებამონაცვლეებზე. მსესხებელს უფლება არა აქვს ბანკის თანხმობის გარეშე მესამე პირს გადასცეს ხელშეკრულების საფუძველზე წარმოშობილი ნებისმიერი ვალდებულება ან უფლება.

6.8 ბანკს უფლება აქვს შეტყობინება ან სხვა დოკუმენტი გადასცეს მსესხებელს ან გაუგზავნოს შეტყობინება/დოკუმენტი (კურიერის ან საფოსტო ორგანიზაციის მეშვეობით) წინამდებარე ხელშეკრულების მე-7 მუხლში მითითებულ მისამართზე ან მსესხებლის იმ მისამართზე რომელიც რეგისტრირებულია საჯარო რეესტრის ეროვნული სააგენტოს მეწარმეთა და არასამეწარმეო (არაკომერციული) იურიდიული პირების რეესტრში/მითითებულია პირადობის დამადასტურებელ დოკუმენტში. შეტყობინება/დოკუმენტი შეიძლება ასევე გაგზავნილ/გადაცემულ იქნეს მე-7 მუხლში მითითებულ ტელეფონის ნომერზე მოკლე ტექსტური შეტყობინების ფორმით, ფაქსით, ელექტრონული ფოსტით ან სხვა კომუნიკაციის საშუალებით. შეტყობინება/დოკუმენტი შეიძლება ასევე გაგზავნილ/გადაცემულ იქნეს მსესხებლის იმ ტელეფონის ნომერზე მოკლე ტექსტური შეტყობინების ფორმით, ფაქსით, ელექტრონული ფოსტით ან სხვა კომუნიკაციის საშუალებით რომელიც რეგისტრირებულია საჯარო რეესტრის ეროვნულ სააგენტოს მეწარმეთა და არასამეწარმეო (არაკომერციული) იურიდიული

პირების რეესტრში. შეტყობინების/დოკუმენტის გაგზავნა ნებისმიერი ამ პუნქტში დათქმული ფორმით ჩაითვლება მსესხებლისათვის შეტყობინების ჩაბარებად. შეტყობინების/დოკუმენტის გაგზავნა ბანკის სახელით ბანკის თანამშრომლის მიერ ტელეფონის ნომრიდან მოკლე ტექსტური შეტყობინების ფორმით ან ელექტრონული ფოსტით ზემოაღნიშნულ რეკვიზიტებზე ჩაითვლება მსესხებლისათვის შეტყობინების ჩაბარებად.

შეტყობინება მსესხებლის მიერ მიღებულია/ჩაბარებულია ითვლება:

- პირადად მიწოდების შემთხვევაში - შეტყობინების ან სხვა დოკუმენტის მსესხებლისათვის ჩაბარების დღეს.
- კურიერის ან საფოსტო ორგანიზაციის მეშვეობით შეტყობინების ან სხვა დოკუმენტის გაგზავნის შემთხვევაში - კურიერის/საფოსტო ორგანიზაციისთვის ჩაბარების დღიდან მე-5 კალენდარულ დღეს, ან მსესხებლისათვის ჩაბარების დადასტურების თარიღის დღეს, რომელსაც უფრო ადრე ექნება ადგილი.
- ელექტრონული ფოსტის საშუალებით გაგზავნის შემთხვევაში - მსესხებლის ელექტრონული ფოსტის სერვერიდან (მისამართიდან) ბანკის მიერ გაგზავნილი შეტყობინების მიღების შესახებ დასტურის მიღების დღეს ან გაგზავნიდან მომდევნო დღეს, რომელსაც უფრო ადრე ექნება ადგილი.

ნებისმიერი სხვა საშუალებით გაგზავნის შემთხვევაში - გაგზავნის თარიღიდან მეორე დღეს.

ბანკის შეტყობინება ან სხვა დოკუმენტი მსესხებელზე მიღებულია/ჩაბარებულია ჩაითვლება იმ შემთხვევაშიც, თუ ბანკს შეტყობინება დაუბრუნდა გაგზავნილ მისამართზე მსესხებლის ადგილსამყოფელის/საცხოვრებელი ადგილის არ არსებობის გამო ან მსესხებელი უარს განაცხადებს შეტყობინების ან დოკუმენტის მიღებაზე/ჩაბარებაზე ან თავს აარიდებს მის მიღებას ან ბანკი ელექტრონული ფოსტის მეშვეობით მიიღებს მსესხებლის ელექტრონული ფოსტის მისამართის გაუქმების ან არ არსებობის შესახებ შეტყობინებას.

თუ მოხდა მე-7 მუხლში მითითებული მსესხებლის რომელიმე რეკვიზიტის/საკონტაქტო მონაცემის შეცვლა და ამის შესახებ წერილობით არ ეცნობება ბანკს, შეტყობინება/დოკუმენტი მსესხებლის მიერ მიღებულია/ჩაბარებულია ითვლება მითითებულ რეკვიზიტზე/საკონტაქტო მონაცემზე გაგზავნის შემთხვევაშიც.

6.9 ხელშეკრულების რომელიმე პუნქტის ბათილად ცნობა არ იწვევს მთლიანად ხელშეკრულების ან მისი სხვა პუნქტების ბათილად ცნობას.

6.10 ხელშეკრულება შედგენილია ორ თანაბარი იურიდიული ძალის მქონე ეგზემპლარად, რომელთაგან ერთი გადაეცემა მსესხებელს, ხოლო ერთი რჩება ბანკში.

მხარეთა ხელმოწერები

ბანკი	კლიენტი